

NIKOLA LOVRINOVIĆ  
zastupnik u Zastupničkom domu  
Parlamentarne skupštine BiH

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

Sarajevo, 21. 3. 2018.

PRIMLJENO. 21-03-2018			
Organizaciona jedinica	Klasifikaciona oznaka	Redni broj	Broj priloga
01	02-1	251/K	

PARLAMENTARNA SKUPŠTINA BiH  
ZASTUPNIČKI DOM  
n/r predsjedateljici, gđi BORJANI KRIŠTO

**PREDMET: Prijedlog točke dnevnog reda**

Poštovana,

Sukladno članku 71. stavak (1) Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15), dostavljam Vam prijedlog nove točke dnevnog reda za 59. sjednicu Zastupničkog doma Parlamentarne skupštine BiH koja glasi:

„Razmatranje Prijedloga zakona o izmjenama Zakona o kaznenom postupku Bosne i Hercegovine po žurnom zakonodavnom postupku, sukladno s člankom 133. Poslovnika Zastupničkog doma Parlamentarne skupštine BiH“

Predlažem da se Prijedlog zakona razmatra po žurnoj zakonodavnoj proceduri sukladno članku 133. Poslovnika Zastupničkoga doma. Ustavni sud Bosne i Hercegovine je u predmetu br. U-5/16, na plenarono sjednici održanoj 1. 6. 2017. godine, donio Odluku o dopustivosti i meritumu, te utvrdio da odredbe članka 84. st. 2., 3. i 4., odredbe članka 117. točka d), odredbe članka 118. stavak 3., odredbe članka 225. stavak 2. i odredbe članka 226. stavak 1. Zakona o kaznenom postupku Bosne i Hercegovine nisu sukladne sa odredbama Ustava Bosne i Hercegovine. Odluka je objavljena u „Službenom glasniku Bosne i Hercegovine“ broj 49/17 od 7. srpnja 2017. Odlukom se nalaže Parlamentarnoj skupštini Bosne i Hercegovine da najkasnije u roku šest mjeseci uskladi navedene odredbe, te obavijesti Ustavni su Bosne i Hercegovine o poduzetim mjerama s ciljem izvršenja ove Odluke.


U privitku Vam dostavljam Prijedlog zakona sa obrazloženjem, te prečišćeni tekst Zakon o kaznenom postupku.

S poštovanjem,

Zastupnik u Zastupničkom domu  
Parlamentarne skupštine BiH  
Nikola Lovrinović

DOSTAVLJENO:

-naslovu  
-a/a





**PRIJEDLOG**

**ZAKON O IZMJENAMA ZAKONA O KRIVIČNOM  
POSTUPKU  
BOSNE I HERCEGOVINE**

**Sarajevo, ožujak 2018.**



Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na \_\_\_\_ sjednici Zastupničkog doma, održanoj \_\_\_\_\_ 2018. godine, i na \_\_\_\_ sjednici Doma naroda, održanoj \_\_\_\_\_ 2018. godine, donijela je

## ZAKON O IZMJENAMA ZAKONA O KRIVIČNOM POSTUPKU BOSNE I HERCEGOVINE

### Član 1.

U Zakonu o krivičnom postupku Bosne i Hercegovine ("Službeni glasnik BiH", br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09 i 72/13), član 84. mijenja se i glasi:

### „Član 84.

#### Pravo svjedoka da ne odgovara na pojedina pitanja

- (1) Svjedok ima pravo da ne odgovara na pojedina pitanja kada je vjerovatno da će ga odgovor na ta pitanja izložiti krivičnom gonjenju.
- (2) Svjedok koji koristi pravo iz stava (1) ovog člana, odgovorit će na ta pitanja ako Glavni tužitelj pismeno izjavi da neće preduzeti krivično gonjenje svjedoka za radnje koje svjedok navede u svome iskazu. Primjerak pismene izjave Glavnog tužitelja uručit će se svjedoku.
- (3) Izjavu iz stava (2) ovog člana Glavni tužitelj može dati pod uvjetom da je iskaz svjedoka važan za dokazivanje da je druga osoba počinila krivično djelo iz stava (4) ovog člana .
- (4) Izjavu iz stava (2) ovog člana Glavni tužitelj može dati u postupku koji se vodi zbog krivičnih djela iz Krivičnog zakona Bosne i Hercegovine i to:
  - a) krivičnih djela protiv integriteta Bosne i Hercegovine.
  - b) krivičnih djela protiv čovječnosti i vrijednosti zaštićenih međunarodnim pravom,
  - c) krivičnih djela terorizma,
  - d) krivičnih djela: Izazivanje nacionalne, rasne i vjerske mržnje, razdora i netrpeljivosti (član 145a.); Protupravno lišenje slobode (član 147.); Neovlašteno prisluškivanje, zvučno ili optičko snimanje (član 147a.); Povreda slobode opredjeljenja birača (član 151.); Krivotvorenje novca (član 205.); Krivotvorenje vrijednosnih papira (član 206.); Pranje novca (član 209.); Porezna utaja ili prevara (član 210.); Krijumčarenje (član 214.); Organiziranje grupe ljudi ili udruženja za krijumčarenje ili rasturanje neocarinjene robe (član 215.); Carinska prevara (član 216.); Primanje dara i drugih oblika koristi (član 217.); Davanje dara i drugih oblika koristi (član 218.); Primanje nagrade ili drugog oblika koristi za trgovinu uticajem (član 219.); Davanje nagrade ili drugog oblika koristi za trgovinu uticajem (član 219a.); Zloupotreba položaja ili ovlaštenja (član 220.); Pronevjera u službi (član 221. ); Prijevarena u službi (član 222); Protuzakonito oslobodenje osobe lišene slobode (član 228.); Pomoć učinitelju poslije učinjenog krivičnog djela (član 232.); Pomoć osobi optuženoj od strane

međunarodnog krivičnog suda (član 233.); Sprječavanje dokazivanja (član 236.); Otkrivanje identiteta zaštićenog svjedoka (član 240.); Ometanje rada pravosuđa (član 241.); Udruživanje radi činjenja krivičnih djela (član 249.) i Organizirani kriminal (član 250.).

- (5) U izjavi iz stava (2) ovog člana će se naznačiti da se ona odnosi samo na radnje svjedoka koje čine krivično djelo s propisanom manjom kaznom od kazne koja je propisana za krivično djelo u odnosu na koje se daje iskaz ili povodom kojeg se vodi postupak i da se ne može odnositi na krivična djela za koja je propisana kazna zatvora od najmanje deset godina.
- (6) Sud će rješenjem utvrditi da li je izjava Glavnog tužitelja iz stava (2) ovog člana u skladu sa st. (4) i (5) ovog člana i odrediti advokata za savjetnika svjedoku za vrijeme saslušanja.
- (7) Nakon što Sud donese rješenje iz stava (6) ovog člana Glavni tužitelj će pozvati svjedoka da da svoj iskaz. Prije saslušanja svjedok će dati pismenu izjavu da će kao svjedok u krivičnom postupku dati istinit iskaz i da neće prešutjeti ništa što mu je poznato o krivičnom djelu o kojem daje iskaz i njegovom učinitelju
- (8) Nakon što svjedok da iskaz Glavni tužitelj donijet će rješenje o imunitetu svjedoka za krivično djelo koje proizilazi iz iskaza svjedoka datog u skladu sa stavom (2) ovog člana. U rješenju će biti naveden činjenični opis i pravna kvalifikacija krivičnog djela za koja se neće preduzeti krivično gonjenje svjedoka.
- (9) Ako svjedok u toku krivičnog postupka ne postupi u skladu sa stavom (7) ovog člana, Glavni tužitelj donijeće rješenje s obrazloženjem, kojim se uskraćuje svjedoku davanje imuniteta za krivično djelo na koje se odnosio iskaz svjedoka iz stava (2) ovog člana. Tužitelj će uskratiti imunitet i u slučaju da se radnje koje je svjedok naveo u svom iskazu odnose na krivična djela za koja se ne može dati imunitet u smislu st. (4) i (5) ovog člana. U tim slučajevima, iskaz svjedoka sa odgovorima na pitanja iz stava (1) ovog člana izdvojiće se iz spisa predmeta i čuvati odvojeno, te se ne može koristiti u krivičnom postupku protiv svjedoka.
- (10) U slučaju da Glavni tužitelj ne donese rješenje iz stava (8) ovog člana iskaz svjedoka sa odgovorima na pitanja iz stava (1) ovog člana izdvojiće se iz spisa predmeta i čuvati odvojeno, te se ne može koristiti u krivičnom postupku protiv svjedoka.
- (11) Protiv svjedoka iz stava (2) ovog člana može se preduzeti krivično gonjenje za krivično djelo davanja lažnog iskaza."

## Član 2.

U članu 117. tačka d) mijenja se i glasi:

„d) Za krivična djela iz Krivičnog zakona Bosne i Hercegovine i to: Izazivanje nacionalne, rasne i vjerske mržnje, razdora i netrpeljivosti (član 145a.); Protupravno lišenje slobode (član 147.); Neovlašteno prisluškivanje, zvučno ili optičko snimanje (član 147a.); Povreda slobode opredjeljenja birača (član 151.); Krivotvorenje novca (član 205.); Krivotvorenje vrijednosnih papira (član 206.); Pranje novca (član 209.); Porozna utaja ili prevara (član 210.); Krijumčarenje (član 214.); Organiziranje grupe ljudi ili udruženja za krijumčarenje ili rasturanje neocarinjene robe (član 215.); Carinska prevara (član 216.); Primanje dara i drugih oblika koristi (član 217.); Davanje dara i drugih oblika koristi (član 218.); Primanje nagrade ili drugog oblika koristi za trgovinu uticajem (član 219.); Davanje nagrade ili drugog oblika koristi za trgovinu uticajem (član 219a.); Zloupotreba položaja ili ovlaštenja (član 220.); Pronevjera u službi (član 221.); Prijevara u službi (član 222); Protuzakonito oslobodenje osobe lišene slobode (član 228.); Pomoć učinitelju poslije učinjenog krivičnog djela (član 232.); Pomoć osobi optuženoj od strane međunarodnog krivičnog suda (član 233.); Sprječavanje dokazivanja (član 236.);

Otkrivanje identiteta zaštićenog svjedoka (član 240.); Ometanje rada pravosuđa (član 241.); Udruživanje radi činjena krivičnih djela (član 249.) i Organizirani kriminal (član 250.).“

### Član 3.

U članu 118. stav (3) mijenja se i glasi:

„ (3) Istražne radnje iz člana 116. stav (2) tač. a) do d) i tačka g) ovog zakona, mogu trajati najduže do mjesec dana, a ako one daju rezultate i postoji razlog da se nastavi sa njihovim provođenjem radi prikupljanja dokaza, mogu se na obrazložen prijedlog tužitelja produžiti za još mjesec dana, s tim da mjere iz tač. a) do c) mogu trajati ukupno najduže šest mjeseci za krivična djela za koja se može izreći kazna zatvora preko pet godina ili teža kazna, a za ostala krivična djela najduže četiri mjeseca. Mjere iz tač. d) i g) mogu trajati ukupno najduže tri mjeseca za krivična djela za koja se može izreći kazna zatvora preko pet godina ili teža kazna, a za ostala krivična djela najduže dva mjeseca. Izuzetno u odnosu na krivično djelo organizovanog kriminala i krivična djela terorizma istražne radnje iz člana 116. stav (2) tač. a) do d) i tačka g) ovog zakona, ako one daju rezultate i postoji razlog da se nastavi sa njihovim provođenjem radi prikupljanja dokaza, mogu se na obrazložen prijedlog tužitelja produžiti još do tri mjeseca. Prijedlog za radnju iz člana 116. stav (2) tačka f) ovog zakona se može odnositi samo na jednokratni akt, a zahtjev za svaku narednu radnju protiv iste osobe mora sadržavati razloge koji opravdavaju njenu upotrebu.“

### Član 4.

Član 225. mijenja se i glasi:

#### „Član 225.

#### Okončanje istrage

- (1) Tužitelj okončava istragu kad nađe da je stanje stvari dovoljno razjašnjeno da se može podići optužnica. Okončanje istrage će se zabilježiti u spisu.
- (2) Ako se istraga ne završi u roku od šest mjeseci od donošenja naredbe o sprovođenju istrage, tužilac će obavijestiti Glavnog tužitelja o razlozima neokončanja istrage. Glavni tužitelj će odrediti novi rok za okončanje istrage koji ne može biti duži od šest mjeseci, odnosno koji ne može biti duži od jedne godine za krivična djela za koja se može izreći kazna zatvora u trajanju od 10 godina ili teža kazna, te naložiti preduzimanje potrebnih mjera da bi se istraga okončala.
- (3) Ukoliko istragu nije bilo moguće završiti u roku iz stava (2) ovog člana, tužilac će o razlozima zbog kojih istraga nije završena, u roku od osam dana obavijestiti Glavnog tužioca, osumnjičenog i oštećenog.
- (4) Osumnjičeni i oštećeni mogu u roku od petnaest dana od dana dostavljanja obavijestiti iz stava (3) ovog člana podnijeti pritužbu Glavnom tužitelju zbog trajanja postupka. Ukoliko Glavni tužitelj utvrdi da je pritužba osnovana, odrediće novi rok u kojem se, ukoliko postoje procesne pretpostavke, istraga mora okončati, o čemu će obavijestiti podnosioca pritužbe.
- (5) Optužnica se ne može podići ako osumnjičeni nije bio ispitan.“

## Član 5.

Član 226. mijenja se i glasi:

### „Član 226. Podizanje optužnice

- (1) Kad u toku istrage tužitelj nađe da postoji dovoljno dokaza iz kojih proizlazi osnovana sumnja da je osumnjičeni učinio krivično djelo, pripremit će i uputiti optužnicu sudiji za prethodno saslušanje u roku od 30 dana od dana kada je okončanje istrage zabilježeno u spisu.
- (2) Ukoliko tužilac ne uputi optužnicu u roku iz stava (1) ovog člana, dužan je u roku od osam dana o razlozima nepodizanja optužnice obavijestiti Glavnog tužitelja koji će preduzeti mjere da tužilac u roku koji ne može biti duži od 30 dana podigne optužnicu. O određivanju dodatnog roka obavijestiti će se osumnjičeni i oštećeni.
- (3) Ako tužilac u roku iz stava (2) ovog člana ne podigne optužnicu obavijestiti će o tome Glavnog tužioca, te osumnjičenog i oštećenog koji imaju pravo u roku od osam dana od isteka tog roka podnijeti pritužbu Glavnom tužitelju. Glavni tužitelj će tužiocu izdati obavezujuće uputstvo da u određenom roku koji ne može biti duži od 30 dana podigne optužnicu.
- (4) Nakon podizanja optužnice, osumnjičeni, odnosno optuženi i branitelj, imaju pravo uvida u sve spise i dokaze.
- (5) Nakon podizanja optužnice, stranke ili branilac mogu predlagati sudiji za prethodno saslušanje preduzimanje radnji u skladu s članom 223. ovog zakona.”

## Član 6.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH broj \_\_\_\_\_/18

\_\_\_\_\_ 2018. godine

Sarajevo

***PREDSJEDAVAJUĆI***

*Zastupničkog doma*

*Parlamentarne skupštine BiH*

***PREDSJEDAVAJUĆI***

*Doma naroda*

*Parlamentarne skupštine BiH*